

თბილისის თავისუფალი აკადემია



სენატის  
დებულება



## **მუხლი 1. ზოგადი დებულებები**

**1.1.** სენატი არის უმაღლესი საგანმანათლებლო დაწესებულების საგანმანათლებლო, აკადემიური და სამეცნიერო სამუშაოს უზრუნველყოფაზე პასუხისმგებელი კოლეგიური ორგანო.

## **მუხლი 2. სენატის შემადგენლობა**

**2.1.** სენატის შემადგენლობაში შედის სენატის თავმჯდომარე - აკადემიის რექტორი და სენატის წევრები. სენატის შემადგენლობა განისაზღვრება შვიდი წევრით - თავმჯდომარე, რექტორი, სკოლის საბჭოს მიერ წარდგენილი ორი აკადემიური პერსონალი და ერთი მოწვეული პერსონალი, სტუდენტთა თვითმართველობის მიერ წარდგენილი 2 (ორი) სტუდენტი;

**2.2.** სენატის წევრის უფლებამოსილების ვადა განისაზღვრება 6 წლით;

**2.3.** სენატის წევრის უფლებამოსილების ვადამდე შეწყვეტის შემთხვევაში სენატის უფლებამოსილების დარჩენილი ვადით ხდება ახალი წევრის დანიშვნა.

## **მუხლი 3. სენატის უფლებამოსილებები**

**3.1.** ამტკიცებს აკადემიის მისიას, დებულებას, ეთიკისა და დისციპლინური პასუხისმგებლობის კოდექსს, შინაგანაწესს;

**3.2.** ამტკიცებს აკადემიის სტრატეგიული განვითარების შვიდწლიან გეგმას და სამწლიან სამოქმედო გეგმას, ასევე ბიზნესუწყვეტობის მართვის მექანიზმებს და სამოქმედო გეგმას;

**3.3.** ამტკიცებს აკადემიის სტრუქტურას, იღებს გადაწყვეტილებებს აკადემიის სტრუქტურული ერთეულების შექმნის, რეორგანიზაციისა და ლიკვიდაციის, ძირითადი საგანმანათლებლო ერთეულის - ფაკულტეტის (სკოლის) შექმნის, რეორგანიზაციის და ლიკვიდაციის თაობაზე;

**3.4.** ამტკიცებს სკოლის/სკოლების საბჭოს წარდგინებით საგანმანათლებლო პროგრამებს და შესაბამისი სასწავლო კურსების სილაბუსებს;

**3.5.** შესაბამისი სტრუქტურული ერთეულების წარდგინების საფუძველზე ამტკიცებს ძირითადი საგანმანათლებლო და სტრუქტურული ერთეულების დებულებებს;

**3.6.** ამტკიცებს აკადემიის საქმისწარმოების წესს, სასწავლო პროცესის მარეგულირებელ წესს, პერსონალის მართვის პოლიტიკას, პერსონალის მართვის წესს, ინტერნაციონალიზაციის პოლიტიკასა და ინფორმაციული ტექნოლოგიების მართვის პოლიტიკას;

**3.7.** ამტკიცებს ფინანსური სამსახურის მიერ წარმოდგენილ აკადემიის ბიუჯეტს;

**3.8.** განსაზღვრავს აკადემიური პერსონალის მიერ თანამდებობის დაკავების წესსა და პირობებს;

**3.9.** ამტკიცებს ხარისხის უზრუნველყოფის შიდა მექანიზმებს და მექანიზმების შეფასების სისტემას;

**3.10.** ამტკიცებს სტრატეგიული დაგეგმარების მეთოდოლოგიას, უცხოელ სტუდენტთა და აკადემიური



პერსონალის მოზიდვის ძირითად სტრატეგიებს, ელექტრონული სერვისებისა და მართვის ელექტრონული სისტემების განვითარების მექანიზმებსა და აკადემიის ოფიციალური ვებ - გვერდის ადმინისტრირების წესს;

**3.11.** განიხილავს აკადემიის წლიურ ანგარიშებს;

**3.12.** ამტკიცებს სტუდენტთა კონტინგენტის და აკადემიური/მოწვეული პერსონალის რაოდენობის განსაზღვრის მეთოდოლოგიას;

**3.13.** ამტკიცებს საგანმანათლებლო პროგრამების დაგეგმვის, შემუშავების და განვითარების მეთოდოლოგიას;

**3.14.** ამტკიცებს ინდივიდუალური სასწავლო გეგმის შემუშავების მეთოდოლოგიას;

**3.15.** უფლება აქვს, სკოლის წარდგინების საფუძველზე განსაკუთრებული დამსახურებისათვის საპატიო დოქტორის წოდება მიანიჭოს მეცნიერს ან საზოგადო მოღვაწეს, რომელიც საქართველოს ან უცხო ქვეყნის მოქალაქეა;

**3.16.** ახორციელებს ამ დებულებითა და აკადემიის დებულებით განსაზღვრულ სხვა უფლებამოსილებებს.

#### **მუხლი 4. სენატის წევრის უფლებამოსილების შეწყვეტა**

**4.1.** პროფესორისა და სტუდენტის სენატის წევრობის სტატუსის შეწყვეტის საფუძველია აკადემიასთან მისი შესაბამისი აკადემიური ან/და შრომითი ურთიერთობის შეწყვეტა;

**4.2.** სენატის წევრის უფლებამოსილების ვადამდე შეწყვეტის შემთხვევაში სენატის უფლებამოსილების დარჩენილი ვადით ხდება ახალი წევრის არჩევა.

**4.3.** სენატის თავმჯდომარის უფლებამოსილების ვადამდე შეწყვეტის საფუძველია:

ა. პირადი განცხადება;

ბ. მის მიმართ სასამართლოს მიერ გამოტანილი გამამტყუნებელი განაჩენის კანონიერ ძალაში შესვლა;

გ. გარდაცვალება;

დ. სასამართლოს მიერ ქმედუწუნაროდ ან შეზღუდულქმედუწუნარიანად აღიარება;

#### **მუხლის 5. სენატის სხდომის ჩატარების წესი**

**5.1.** სენატის სხდომები იმართება წელიწადში მინიმუმ ორჯერ მაინც;

**5.2.** სენატის პირველ სხდომაზე აირჩევა სენატის თავმჯდომარე;

**5.3.** სენატის სხდომები მოიწვევა თავმჯდომარის მიერ საკუთარი ინიციატივით ან თავად სენატის სრული შემადგენლობის 1/3-ის ინიციატივით;

**5.4.** სენატი გადაწყვეტილებას იღებს სენატის სრული შემადგენლობის უმრავლესობით;

**5.5.** სენატის სხდომების ჩატარებას ორგანიზებას უწევს და თავმჯდომარეობს თავმჯდომარე. მისი



არყოფნის შემთხვევაში, სხდომაზე სენატის წევრთაგან აირჩევა სხდომის თავმჯდომარე, სენატის წევრთა სიითი შემადგენლობის უმრავლესობით;

**5.6.** სენატის სხდომას დადგენილი წესით იწვევს სენატის თავმჯდომარე, რომელიც უზრუნველყოფს წევრების ინფორმირებას სხდომის თარიღისა და დღის წესრიგის შესახებ - ადგენს სხდომის ოქმს;

**5.7.** სხდომა უფლებამოსილია მიიღოს გადაწყვეტილება თუ სხდომას ესწრება სენატის წევრთა უმრავლესობა. საკითხების გადაწყვეტა ხდება ღია კენჭისყრით. გადაწყვეტილება მიღებულად ჩაითვლება, თუ საკითხს ხმას მისცემს სენატის საერთო შემადგენლობის უმრავლესობა.

**5.8.** სენატის წევრთა მიერ გამოთქმული მოსაზრებები და შეხედულებები აისახება სხდომის ოქმში, სენატის სხდომა ფორმდება ოქმით, რომელსაც ხელს აწერს სენატის თავმჯდომარე და სხდომის მდივანი.

## **მუხლი 6. დასკვნითი დებულებანი**

**6.1.** დებულება ძალაში შედის ხელმოწერისთანავე;

**6.2.** დებულებაში ცვლილებებისა და დამატებების შეტანა ხორციელდება კანონმდებლობით დადგენილი წესით;

**6.3.** წინამდებარე დებულება ძალას კარგავს ახალი დებულების დამტკიცების შემთხვევაში.